

# 佛說善夜經

唐三藏法師義淨奉 制譯



南無本師釋迦牟尼佛

## 說明

本繁體校正版《佛說善夜經》电子书，根據《乾隆大藏經》大乘單譯經，第 0496 部，唐三藏法師義淨奉制譯《佛說善夜經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年四月



掃碼關注仁慧草堂微信公眾號



## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

### 開經偈

(一編)

無上甚深微妙法 百千萬劫難遭遇  
我今見聞得受持 願解如來真實義

# 佛說善夜經

唐三藏法師義淨奉 制譯

如是我聞：

一時，薄伽梵在王舍城竹林園所。去斯不遠，有一苾芻，住溫泉側。

時有一天，顏貌端嚴，光明殊妙，過初夜分，詣苾芻所。彼天威光，周圓赫奕，悉皆照耀普遍溫泉。合掌禮敬，在一面坐，白苾芻言：「大德！仁頗先聞善夜經不？」

苾芻答曰：「我未曾聞如是經典。」

復問天言：「仁先知不？」

天曰：「我亦不知。」

苾芻曰：「誰有知者？」

天曰：「無上慈父在竹林園，仁今可往詣彼請問，如佛所說，當奉行之。」

說是語已，忽然不現。

時彼苾芻，至天曉已，詣世尊所，頂禮雙足，在一面立，白言：「世尊！昨夜有天，過初更後，來詣我所，光明照耀，周遍溫泉，而問我言：『仁頗先聞善夜經不？』我言：『未聞。』我問彼天：

『仁先知不？』答言：『不知。』我復問言：『誰有知者？』彼言：『無上慈父在竹林園，仁可往問，如佛所說，當奉行之。』說是語已，忽然不現。我緣斯事故，來至此請問世尊。」

佛告苾芻：「汝識彼天不？」

答言：「不識。」

「汝今當知！彼是三十三天勝妙天子威德大將，名曰栴檀，為欲利益諸眾生故，來覺悟汝，問是經名。」

時彼苾芻，復白佛言：「世尊！我今願聞善夜經典，唯願世尊哀愍為說。」

爾時，世尊告苾芻言：「此善夜經具大功德，若有聞者，能斷煩惱，速證菩提。汝等<sup>1</sup>諦聽，善極作意，吾當為說。過去諸法不應追念，未來諸法亦不希求，現在諸法勿生染著。如是行者，名真解脫。」

爾時，世尊即說頌曰：

過去不應念	未來不希求
於現在時中	皆如法觀察
妄想心難遣	智人應善觀
宜可速勤修	焉知至明日

<sup>1</sup> 大正藏：應；永樂北藏及龍藏：等



由彼死王來<sup>2</sup> 與汝鎮相隨  
是故我牟尼 善夜經今說  
常願諸有情 離苦獲安樂  
不造諸惡業 恒修於眾善

爾時，世尊為欲利益一切眾生，令於長夜得安隱樂，離諸障惱，於生生處增長善根，常遇三寶，不墮惡趣，復更說此陀羅尼曰：

怛姪他 毗尼婆<sup>引</sup>喇你 跋拞摩單滯 摩  
膩你掇掇掇掇 瞿里健陀里 旃荼里摩登祇<sup>上聲</sup>  
薩囉爛帝 莫呼刺膩攝鉢利 斫羯囉婆<sup>引</sup>枳  
攝伐里莫訶攝伐里 步精揭<sup>巨列切</sup>你 你弭你名  
揭你訖栗多<sup>引</sup>你莎<sup>引</sup>訶<sup>引</sup> 僧拽體<sup>天移切</sup>曇<sup>去聲</sup> 頰懶  
伽帝 捺囉伽帝 謗蘇迦波<sup>引</sup>裏 劫布得<sup>都谷切</sup>  
迦波<sup>引</sup>裏 答布檀泥<sup>去聲</sup>莎訶

「若有苾芻、苾芻尼、鄔波索迦、鄔波斯迦及餘善男子、善女人等，於此善夜經中，若一伽他，若一句呪，讀誦受持，供養尊重，明解其義，為他演說，當知是人，於一切時無諸災厄。亦無非<sup>3</sup>橫及諸衰惱。能知過去七生之事，亦不忘失大菩提心，決定能趣涅槃正道。若有善男子、善

<sup>2</sup> 大正藏：眾；永樂北藏及龍藏：來

<sup>3</sup> 大正藏：枉；永樂北藏及龍藏：非

女人，受持讀誦此善夜經者，於未來世所生之處，必定當得宿住之智，常受尊貴、安隱、快樂。」

復說頌曰：

此人一切時	無有枉橫事
由造順時業	永離非時死
擁護諸眾生	令離病憂怖
不祥及惡夢	險路常安隱
若男子女人	戴持此經者
具相人敬重	所願皆圓滿
若於身語意	所有諸不善
由此經威力	終無有惡報
若水火王賊	雷電毒害等
怨家戰爭時	念經皆得脫
又復有明呪	若能讀誦者
於一切時中	長善滅諸惡

即說呪曰：

怛姪他 你弭尼民達哩 室哩盧迦<sup>引</sup>盧枳  
你 室哩輸攞陀唎你惡矩比 姪哩底奴麗  
矩都軍底 矩都屈此 雞唼底矩比你 擁護  
擁護我某甲於一切恐怖處，於一切疾病苦痛處，  
於一切憂愁相惱處，於一切毒蟲毒藥處，於一  
切鬼魅厭禱處，於一切王賊水火處，於一切猛

獸驚怖處，於一切謗讟言訟處，於一切冤家鬪  
爭處，於一切身意惡業處所有語業四過處，於  
一切厄難危亡處，并執金剛神，常擁護<sup>4</sup>我某  
甲并諸眷屬，莎<sup>引</sup>訶<sup>引</sup>。

復說呪曰：

怛<sup>5</sup>姪他 啞哩<sup>6</sup>啞哩<sup>7</sup>弭里一<sup>8</sup>里 畢舍脂鉢  
拏 攝伐里止里莎訶

爾時，世尊說是經已，時彼苾芻及諸大眾，  
人天八部、諸鬼神等，皆大歡喜，信受奉行。

佛說善夜經

<sup>4</sup> 大正藏：衛；永樂北藏及龍藏：擁

<sup>5</sup> 大正藏：恒；永樂北藏及龍藏：怛

<sup>6</sup> 大正藏：里；永樂北藏及龍藏：哩

<sup>7</sup> 大正藏：里；永樂北藏及龍藏：哩

<sup>8</sup> 大正藏：弭；永樂北藏及龍藏：一



## ● 結誦儀

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫  
迦囉嚩吽

南無本師釋迦牟尼佛 (合掌三稱)

南無護法諸天菩薩 (合掌三稱)

### 迴向偈

(一編)

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

十方三世一切佛. 一切菩薩摩訶薩. 摩訶般  
若波羅蜜.

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪



南无护法韦驮尊天菩萨

